

নং-পবি/এনইসি-৩/২০০৭-২০০৮/২৫৯

তারিখ: ২৪ কার্তিক, ১৪১৬
০৮ নভেম্বর, ২০০৯

পরিপত্র

বিষয়ঃ বিনিয়োগ প্রকল্পের জন্য-যোগ্য ও অভিজ্ঞ প্রকল্প পরিচালক নিয়োগ সংক্রান্ত নির্দেশাবলী


সূত্রঃ পবি/এনইসি/৬/৯৯/৯, তারিখঃ ২২শে মার্চ, ২০০০

উপর্যুক্ত বিষয় ও সূত্রের পরিপ্রেক্ষিতে জানানো যাচ্ছে যে, সুষ্ঠু ব্যবস্থাপনার অভাবে উন্নয়ন প্রকল্পসমূহের বাস্তবায়ন নির্ধারিত সময়ের মধ্যে সমাপ্ত হচ্ছে না। ফলে, প্রকল্পের বাস্তবায়ন দীর্ঘায়িত হওয়ায় একদিকে যেমন প্রকল্পের উপযোগিতা ও বিনিয়োগের যথার্থতা হ্রাস পাচ্ছে তেমনি অন্যদিকে দেশ প্রকল্পের সুফল হতে ক্ষতিগ্রস্ত হচ্ছে। নির্ধারিত সময়ের মধ্যে উন্নয়ন প্রকল্পের সুষ্ঠু ও যথাযথ বাস্তবায়নে প্রকল্প পরিচালক এবং প্রকল্প সংশ্লিষ্ট জনবলের কর্মদক্ষতার উপর বহুলাংশে নির্ভরশীল। এ বিষয়টি জাতীয় অর্থনৈতিক পরিষদ (এনইসি) ও জাতীয় অর্থনৈতিক পরিষদের নির্বাহী কমিটি (একনেক) এর বিভিন্ন সভায় আলোচিত হয়েছে এবং এতদসংক্রান্ত সমস্যা সমাধানে কতিপয় সিদ্ধান্ত গৃহীত হয়েছে। প্রকল্পের সুষ্ঠু ও যথাযথ বাস্তবায়ন নিশ্চিত করার লক্ষ্যে বিভিন্ন সময় এনইসি ও একনেক সভায় গৃহীত সিদ্ধান্তসমূহ সযত্ন বিবেচনায় সমন্বিত করে ইতঃপূর্বে জারীকৃত নির্দেশাবলী সংশোধনপূর্বক নিম্নরূপ নির্দেশাবলী জারি করা হলো :

- ১.১ বিনিয়োগ প্রকল্পের প্রাক্কলিত ব্যয় ৫০ (পঞ্চাশ) কোটি টাকা বা তদুর্ধ্ব হলে পূর্ণকালীন যোগ্য ও অভিজ্ঞ প্রকল্প পরিচালক নিয়োগ করতে হবে।
- ১.২ প্রকল্পের ধরণ ও ব্যাপ্তি বিবেচনায় আরও কম প্রাক্কলিত ব্যয়ের প্রকল্পের জন্য পূর্ণকালীন প্রকল্প পরিচালক অথবা আরও অধিক প্রাক্কলিত ব্যয়ের প্রকল্পের জন্য খন্ডকালীন প্রকল্প পরিচালক নিয়োগ সংশ্লিষ্ট মন্ত্রণালয়/বিভাগ কর্তৃক যুক্তিযুক্ত বিবেচনা করা হলে পরিকল্পনা কমিশনের সংশ্লিষ্ট সদস্যের নেতৃত্বে বাস্তবায়নকারী মন্ত্রণালয়/বিভাগ, আইএমইডি, অর্থ বিভাগ ও সংস্থাপন মন্ত্রণালয়ের প্রতিনিধি সমন্বয়ে গঠিত কমিটির (কমিটির সদস্য যুগ্ম-সচিব/যুগ্ম-প্রধান পদমর্যাদার নীচে নহে) সুপারিশক্রমে মাননীয় পরিকল্পনা মন্ত্রী/উপদেষ্টার অনুমোদন গ্রহণ করতে হবে;
- ১.৩ কোন সরকারী কর্মকর্তাকে পদাধিকার বলে প্রকল্প পরিচালক হিসেবে নিয়োগ করা যাবে না। তবে বিশেষ ক্ষেত্রে এ ব্যবস্থা শিথিলের প্রয়োজন হলে উপরোক্ত অনুচ্ছেদ ১.২ এ বর্ণিত কমিটির সুপারিশক্রমে মাননীয় পরিকল্পনা মন্ত্রী/উপদেষ্টার অনুমোদন গ্রহণ করতে হবে;
- ১.৪ একই ব্যক্তিকে একাধিক প্রকল্পের প্রকল্প পরিচালক নিয়োগ করা যাবে না। তবে বিশেষ ক্ষেত্রে এ ব্যবস্থা শিথিলের প্রয়োজন হলে এ বিষয়েও উপরোক্ত অনুচ্ছেদ ১.২ এ বর্ণিত কমিটির সুপারিশক্রমে মাননীয় পরিকল্পনা মন্ত্রী/উপদেষ্টার অনুমোদন গ্রহণ করতে হবে;

চলমান পাতা/২

- ১.৫ প্রকল্প মেয়াদ শেষ হওয়ার ৬ (ছয়) মাস পর পর্যন্ত যে সব কর্মকর্তার চাকুরীর মেয়াদ থাকবে না, সে সব কর্মকর্তাকে প্রকল্প পরিচালক হিসেবে নিয়োগ করা যাবে না ;
- ১.৬ প্রকল্প পরিচালক হিসেবে নিয়োজিতব্য কর্মকর্তাকে ক্রয় সংক্রান্ত বিধানাবলী ও প্রকল্প ব্যবস্থাপনা বিষয়ে প্রশিক্ষণপ্রাপ্ত হতে হবে। এ ছাড়া প্রকল্প প্রণয়ন, প্রক্রিয়াকরণ ও প্রকল্প বাস্তবায়ন কাজে কমপক্ষে ৩(তিন) বছরের বাস্তব অভিজ্ঞতা সম্পন্ন (উপ-সচিব/উপ-প্রধান পদমর্যাদার নীচে নহে) কর্মকর্তাকে প্রকল্প পরিচালক হিসেবে নিয়োগ করতে হবে;
- ১.৭ প্রকল্প বাস্তবায়নে ব্যর্থ কর্মকর্তাকে পরবর্তীতে প্রকল্প পরিচালক হিসেবে নিয়োগ করা যাবে না। সেই সাথে সফল প্রকল্প পরিচালকের জন্য Incentive-এর ব্যবস্থা করা যেতে পারে। প্রকল্প বাস্তবায়নে ব্যর্থতা বা সফলতা অনুচ্ছেদ ১.২ এ বর্ণিত কমিটি বিবেচনা ও সুপারিশ করবে ;
- ১.৮ জনস্বার্থে একান্ত অপরিহার্য না হলে প্রকল্প বাস্তবায়নকালে সংশ্লিষ্ট প্রকল্পে নিয়োজিত প্রশিক্ষণ প্রাপ্ত, অভিজ্ঞ কর্মকর্তা/ প্রকল্প পরিচালককে অন্যত্র বদলী পরিহার করতে হবে। তবে পদোন্নতি অথবা শাস্তিপ্রাপ্ত কর্মকর্তার ক্ষেত্রে এ বিধান প্রযোজ্য হবে না। পদোন্নতিপ্রাপ্ত কর্মকর্তাকে পদোন্নতির সকল সুযোগ সুবিধা প্রদান করে প্রকল্প সমাপন পর্যন্ত প্রকল্প পরিচালকের পদে বহাল রাখার প্রচেষ্টা গ্রহণ করতে হবে।
- ১.৯ প্রকল্পের ডিপিপিতে পূর্ণকালীন/খন্ডকালীন প্রকল্প পরিচালকের জন্য প্রযোজ্য ক্ষেত্রে বেতন ভাতা/সম্মানীর সংস্থান রাখতে হবে।
- ২। এ আদেশ অবিলম্বে কার্যকর হবে।


(মোঃ হাবিব উল্লাহ মজুমদার)
সচিব
পরিকল্পনা বিভাগ

বিতরণঃ (জ্যেষ্ঠতার ভিত্তিতে নয়)

- ১। মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়, ঢাকা।
- ২। মুখ্য সচিব, প্রধানমন্ত্রীর কার্যালয়, পুরাতন সংসদ ভবন, তেজগাঁও, ঢাকা
- ৩। সচিব (সকল),..... মন্ত্রণালয়/বিভাগ, ঢাকা।
- ৪। সদস্য (সকল), , পরিকল্পনা কমিশন, ঢাকা।
- ৫। মাননীয় পরিকল্পনা মন্ত্রীর একান্ত সচিব, পরিকল্পনা মন্ত্রণালয়, শেরেবাংলা নগর, ঢাকা।